



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Fvneralia.

urn:nbn:de:hbz:466:1-30427

d. 1. Si propter mortem, vel abscissionem, potest fugere, siue peccatum sit publicum, siue non, siue sententia sit lata, siue non: secundum Tho. secunda secunda. qu. 69. artic. 4. sine tamen alicuius offensa, & sine fractione carceris, vel vinculorum: secundum Henr. de Gan. quolib. 9. Si tamen relinquitur sine vinculis, & clausura, potest fugere, etiam quod iudex precepisset, ne fugeret. Idem dicas de auxiliantibus, qui sine violentia & scandalo possunt auxiliari.

3 **N**OTA tamen, quod licet damnatus ad mortem possit fugere, ut dictum est, non tamen ad hoc tenetur, sed potest patienter mori. supra, Accusatio §. 15. 17. 21. carcer. §. 3. Caieta. tamen dicit, quod potest carcerem frangere. carcer. §. 3. 4. Quomodo Episcopus non potest fugere. supra, Episcopus. §. 4. 3. Silibi. circa si videtur tenere, quod non possit vincula frangere, nec teneatur fugere, quod supra ex ratione Cate. im probatum est.

FVNERALIA, supra Exequiarum per totum.

FVRIOSVS.

FVRIOSVS non potest profiteri, nec obligare se Deo, vel hominibus: quia hæc sanam mentem requirunt, quam ipse non habet. secundum Pan. in c. sicut tenor. de reg. 2. not. Nec eius testamentum valet, neque si daret omnia bona pro anima sua. Facit cap. fin. de succes. ab intest. Neque quod facit, imputatur sibi ad poenam, vel culpam argum. in clemen. vnica. de homi. An autem possit baptizari, communicari, ordinari. supra, in locis suis, & c. Furiosus non facere, sed pati iniuriam potest. ff. de iniur. l. illud relatum. 15. q. 1. can. illud.

FVRTVM.

FVRTVM, quod secundum Tho. secunda, secunda. qu. 66. artic. 3. dicitur occulta acceptatio rei alienæ inuito domino, ex suo genere peccatum mortale est: quia contra iustitiam, & proximi bonum fit. Si autem esset pro re modica, vel in primo motu,

esset veniale, nisi furando modicum haberet voluntatem furandi multum: quia tunc ex animo damnificandi proximum, notabiliter, mortaliter peccaret.

2 **S**I quis rem accipiat ab aliquo domino, qui tamē dominus vult ipsum habere rem illam, sed non occidit: ut parentes erga filios: talis occulte accipiens, non peccat mortaliter: quia non fit inuito domino, licet non vellet eum habere illo modo. Talis enim modus accipiendi, ad mortale non trahit.

3 **S**I quis accipit alienum inuito domino: tamen vidente, & tacente, vel dissimulante, vel præverecundia, vel timore, furtum committit: perinde enim est, ac si contradiceret. ff. de furt. l. penult. secus cessante timore, vel verecundia: quia videtur consentire. ar. c. error. 83. d.

4 **S**I quis rem propriam, alteri tamen pignoratam, occulte surripit, inuito domino custodiente, furtum committit: secundum Caieta. ibi: debet enim iuris ordinem seruare. Res enim aliena est quod ad custodiam, licet non quod ad dominium.

5 **Q**UI rem suam habere non potest aliter, nisi furtiue accipiat, remoto scilicet periculo, sine peccato potest accipere. Non enim tunc ius sibi dicit, sed ius naturale exequitur, ex quo ius civile ei impeditur. Tenebitur postmodum facere: ut is, qui rem suam iniuste detinebat, sciat se non amplius teneri ad restitutionem, si bono modo fieri potest, ne ipse, vel eius hæres, si vellent restituere, damnum incurterent restituendo, quod contra iustitiam esset.

6 **I**NVENTA accipi possunt cum intentione reddendi: quod si certis eorum dominus, facta diligenti inquisitione, inuenitur, illi restituenda sunt, alioquin furtum committitur: secundum Panormita. c. ex literis. de furt. Si autem inueniri non potest, reddatur in bonis spiritualibus: secundum Caieta. ibi. ex quo in temporalibus reddi non potest. Si autem carent domino, quia habentur pro derelictis: ut la-